

愚且討論而潤色且夫周公成秩無文宣  
 王靡神不舉凡以為民而救災者無所不  
 至也而况蒼蒼在上昭昭垂象六虛周流  
 而變動百姓日用而不知為天下國家者  
 其可忽哉專帝一十三位虛皇太上三尊  
 道之真元也三清上帝道之妙有也昊天  
 玉皇上帝三十二天帝統御世界而成變  
 化者也天皇大帝紫微帝君在天成象之  
 帝也虛皇地后三元九炁所自生也名號  
 繁多非道之體博研經論攷三界質之幽  
 明而無疑非以私意而增損也舊儀先後  
 顛倒繁簡不倫今斟酌九條差次聖位刪  
 削名號補完教意一曰請師非師則誰主  
 法會二曰補職非職則誰行科法三曰授  
 戒非清淨則何以入壇場四曰敕壇非解  
 穢則何以降仙聖五曰登天門非登乾出  
 巽則旋繞不布六曰拜表進章非法印合  
 符則何以通天門七曰真文玉篇辨方正  
 位以應五行之炁八曰衆妙壇用玉屋山  
 司馬子微法象之制九曰天寶臺取玄壇

性士  
九

之臺制移置殿中以伸陟降之儀以備風  
 雨之至行法之士詳而練之臣尚其謹序

全錄齋投函儀



三儀同卷

- 玉籙資度宿啓儀
- 玉籙資度解壇儀
- 玉籙資度設醮儀

卑一

玉籙資度宿啓儀

法事如式  
 各禮師存念如法  
 請宣神呪

東方

九炁青天 明星大神 煥照東方 洞映九門  
 轉燭陽光 掃穢除氛 開明童子 瑋曰玄卿  
 備衛我軒 上對帝君 收魔束妖 討捕東羣  
 奉承正道 赤書玉文 九天符命 攝龍驛傳  
 普天安鎮 我得飛仙

南方

三炁丹天 煥景流光 熒星轉燭 洞照太陽  
 上有赤精 合契虛皇 開明靈童 瑋曰華房  
 總統火兵 備守玉堂 斬邪束妖 剪截魔王  
 北帝所承 風火莫當 流鈴交煥 誦衛壇場

正道流行 政有已狂 我事上功 坐運魁星  
德劫長存 保天無疆

西方

七炁素天 太白流精 光耀金門 洞照太冥  
中有素皇 號曰帝靈 保神安鎮 衛我身形  
斷截邪源 王道正明 宮殿整肅 三景齊昇  
道合自然 飛升紫庭 靈寶符命 普惠萬生  
元皇正炁 來合我身 功加一切 天地感寧

北方

五炁玄天 元始徘徊 辰星煥爛 光曜太微  
黑靈尊神 號曰層威 統冠飛天 仙裙羽衣  
備衛五門 檢精捕非 敢有干忒 豁落斬摧  
玉符所告 神真八威 邪門閉塞 正道明開  
映照我身 三光同輝 策空駕浮 舉形仙飛

中央

一炁黃天 調理乾坤 陶鑄陰陽 總統玄真  
鎮星吐輝 流煥九天 開光童子 號曰天璣  
元炁陽精 鍊上朱煙 洞照天下 及臣等身  
百邪摧落 殺鬼萬千 中山神呪 普天使然  
五靈安鎮 身飛上仙

鳴法鼓二十四通

無上三天玄元始三炁太上道君名出臣身  
中三五功曾左右官使者左右捧香驛龍騎  
吏侍香金童傳言散花玉女五帝直符直日  
香官各三十六人出出者裝裝顯服冠帶垂  
纓關啓玄壇土地方域神真臣今宿啓告齋  
建壇慶事謹奏為人主其語情悃已錄告聞  
願得

太上至真道炁靈寶慈光下降流入臣等身  
中今臣所啓之誠速達徑御

至真無極大道三清上聖昊天金闕玉皇上帝  
帝東極慈尊青帝上帝道前

請稱法位

具位臣姓某某等今故燒香願以是香功德上  
願

其靈鳳馭凌霄騰輿以景登神快樂證果道  
遙普為

皇帝陛下

皇太子殿下 藩屏王侯土地官長臣等三師  
五友異代學真谷隱巖樓門徒祭酒以至三

軍萬姓天下人民動植飛潛無邊含識皈身  
皈神皈命

太上十方靈寶自然至真無極大道持乞赦  
原臣等三業六根無邊罪犯得離三災五苦  
八難九厄之中身得道真歌詠太平同臻仁  
壽道遙無為永與道合所啓至感應聲上御  
至真無極道前

知聲舉起敬贊

唱十方

禮足各長跪皈命懺悔

臣法泉等志心皈身皈神皈命

十方無極大道太上靈寶天尊恭望洪慈洞  
垂巨澤普降洪恩臣聞混元祖炁常清靜以  
為宗玉籙儀文匪齋盟而莫格將感通於上  
聖先蕩滌於纖瑕庶竭忱誠以資冥福猶慮  
臣等智淪象罔識染紛葩精氣神混合之真  
業山未破身心口流吹之妄定水俄波動積  
過尤無邊無量仰祈矜憫俯賜赦原使臣等  
奏對無虞存思合道會萬真於  
帝所集百福於齋壇其靈證果登福境以澄

神家國承麻保

瑤圖而永固臣法衆等志心稽首禮謝

無上至真三寶

知聲舉三啓頌

三禮

重稱法位

具位臣姓某謹同誠上啓

太上無極大道元始天尊太上道君太上老

君昊天玉皇上帝紫微北極大帝紫微天皇

大帝后土皇地祇東極青華大帝南極長生

大帝無上玉帝玉虛上帝東華南極西靈北

真玄都玉京金闕七寶瓊臺紫微上宮靈寶

至真明皇道君十方已得道大聖衆至真諸

君丈人大慈大悲救苦真人救度真人大惠

真人注生真人普救真人香林會中法解真

人三十六部尊經玄中大法師三天大法師

靈寶經精度三師真君正一嗣系女三師真

君三界官屬一切真靈臣等社稷散材并梧

弱質親承道紀慨入室之悠悠快觀玄樞斯

面牆之鬱鬱其撫煙霞於駒谷徒玩日月於

雜憲教出始青惟抱宣符之切科專太素懼  
貽布憲之嚴倘非誓地以立功曷克承天而  
補過臣欽奉

給音崇修玉籙資薦其靈增崇天福按如詞

旨備極精誠律礪丹衷磨礪素悃運紫陽金

匱之秘依蒼極玉籙之玄門列十華壇周四

界法天象地三乘羅鶴鷲之班呼陰召陽九

奏降龍鸞之御鶴飛煙於蘭鼎騰彩霧於芝

萼旌葆翊翻播花播曳自某日為始謹依科

範啓建玄壇恩惟

三寶道師九幽教主垂慈鑒映省覽所陳救

勅三洞仙靈靈寶官屬青玄僚佐黃籙班聯

監齋侍經衛壇護道社令工地應感靈祇協

力同心掃妖氛於內外通誠達信契影響於

天人今臣等百體清明三關調泰疑其喘息

融妙炁於丹爐會道運神抱靈光於玄室羅

敷洪澤資薦神靈庶齊榻以周圓俾法輪而

興轉明晨行道續更啓聞

知聲舉智慧頌

告符簡

存神燒香

香官使者左右龍虎君侍香諸靈官當今臣

向來宿啟建壇之所自然生金液丹碧芝英百

靈衆真交會在此香火鑪前上頌

天鑿中心風清下土玉振金聲之合序瓊輪

羽蓋之臨軒成就朝修孝流冥福十方仙童

玉女接侍蘭煙傳臣向來所啟之誠遠達徑

御

至真無極大道三清上聖昊天金闕玉皇上

帝東極慈尊青玄上帝道前

出堂頌

玉籙資度宿啓儀